

AKTA PERUBATAN 1971
PERATURAN-PERATURAN PERUBATAN (MENGADAKAN PEPERIKSAAN BAGI
PENDAFTARAN SEMENTARA) 2012

SUSUNAN PERATURAN

Peraturan

1. Nama
2. Pemakaian
3. Tafsiran
4. Permohonan untuk menduduki peperiksaan
5. Calon tertakluk kepada peraturan badan pemeriksa
6. Menarik diri daripada peperiksaan
7. Penyampaian keputusan
8. Pengeluaran perakuan
9. Pembatalan

JADUAL

AKTA PERUBATAN 1971
PERATURAN-PERATURAN PERUBATAN (MENGADAKAN PEPERIKSAAN BAGI
PENDAFTARAN SEMENTARA) 2012

PADA menjalankan kuasa yang diberikan oleh seksyen 36 Akta Perubatan 1971 [Akta 50], Majlis Perubatan Malaysia, dengan kelulusan Menteri, membuat peraturan-peraturan yang berikut:

Nama

1. Peraturan-Peraturan ini bolehlah dinamakan **Peraturan-Peraturan Perubatan (Mengadakan Peperiksaan Bagi Pendaftaran Sementara) 2012**.

Pemakaian

2. Peraturan-Peraturan ini hendaklah terpakai kepada seseorang yang memegang kelulusan yang disebut dalam subperenggan 12(1)(a)(ii) Akta.

Tafsiran

3. Dalam Peraturan-Peraturan ini, melainkan jika konteksnya menghendaki makna yang lain –

“badan pemeriksa” ertinya mana-mana institusi pelajaran tinggi yang merupakan sebuah badan yang diluluskan oleh Menteri di bawah perenggan 12(1)(aa) Akta;

“institusi pelajaran tinggi” ertinya mana-mana fakulti atau pusat pengajian perubatan daripada mana-mana universiti atau kolej universiti yang ditubuhkan menurut peruntukan Akta Universiti dan Kolej Universiti 1971 [Akta 30] dan Akta Institusi Pelajaran Tinggi Swasta 1996 [Akta 555];

“peperiksaan” ertinya mana-mana peperiksaan tahun akhir yang diadakan atau akan diadakan oleh sesuatu badan pemeriksa.

Permohonan untuk menduduki peperiksaan

4. (1) Suatu permohonan bagi menduduki peperiksaan yang diadakan oleh suatu badan pemeriksa hendaklah dikemukakan kepada Majlis dalam dua salinan Borang 1 Jadual, berserta fi sebanyak dua ratus ringgit.

(2) Majlis hendaklah membuat suatu keputusan tentang kelayakan mana-mana calon untuk menduduki peperiksaan itu.

(3) Jika Majlis memutuskan yang calon itu layak untuk menduduki peperiksaan itu, calon itu hendaklah dirujuk kepada badan pemeriksa pilihan calon itu.

Calon tertakluk kepada peraturan badan pemeriksa

5. Setiap calon adalah tertakluk kepada apa-apa peraturan badan pemeriksa yang mengadakan peperiksaan tersebut termasuk kriteria menduduki semula mana-mana peperiksaan dan pengenaan apa-apa fi.

Menarik diri daripada peperiksaan

6. Jika seseorang calon menarik diri daripada menduduki peperiksaan atau tidak hadir peperiksaan, fi yang telah dibayar di bawah peraturan 4 tidak boleh dikembalikan melainkan jika penarikan diri atau ketidakhadiran itu disebabkan masalah kesihatan atau alasan lain yang boleh diterima oleh Majlis.

Penyampaian keputusan

7. Majlis hendaklah mengendors keputusan akhir peperiksaan dan hendaklah menyampaikan keputusan peperiksaan itu kepada setiap calon setakat yang berkaitan dengannya.


Pengeluaran perakuan

8. Majlis hendaklah mengeluarkan perakuan dalam Borang 2 Jadual kepada calon yang telah lulus peperiksaan.

Pembatalan

9. Peraturan-Peraturan Perubatan (Mengadakan Peperiksaan Bagi Pendaftaran Sementara) 1993 [*P.U.(A) 426/1993*] adalah dibatalkan.

JADUAL
BORANG 1



AKTA PERUBATAN 1971

PERATURAN-PERATURAN PERUBATAN (MENGADAKAN PEPERIKSAAN BAGI
PENDAFTARAN SEMENTARA) 2012

[Subperaturan 4(1)]

PERMOHONAN UNTUK MENDUDUKI PEPERIKSAAN DI BAWAH PERENGGAN
12(1)(aa) AKTA PERUBATAN 1971

Kepada:

.....
.....
.....

Saya memohon untuk menduduki peperiksaan di bawah perenggan 12(1)(aa) Akta Perubatan 1971 [Akta 50].

2. Butir-butir peribadi saya adalah seperti yang berikut:

(a) Nama.....

(b) No. Kad Pengenalan.....

(c) Taraf Kewarganegaraan.....

(d) Alamat

.....

(e) (i) Kelulusan profesional (*Sila lampirkan salinan kelulusan yang disahkan*)

.....

(ii) Institusi atau badan yang memberi kelulusan

.....

(iii) Tarikh mendapat kelulusan

3. Maklumat badan pemeriksa pilihan saya adalah seperti berikut:

(a) Nama institusi.....

(b) Alamat.....

.....

4. Dikemukakan cek/ kiriman wang/wang pos* bagi amaun sebanyak RM200.00 sebagai pembayaran fi permohonan.

5. Saya mengesahkan bahawa maklumat yang terkandung dalam borang permohonan ini adalah tepat dan benar dan bahawa dokumen yang disertakan adalah salinan daripada dokumen asal yang berkaitan dengan saya.

Tarikh

.....

Tandatangan pemohon

* Potong yang mana tidak berkenaan

BORANG 2

AKTA PERUBATAN 1971

PERATURAN-PERATURAN PERUBATAN(MENGADAKAN PEPERIKSAAN BAGI
PENDAFTARAN SEMENTARA) 2012

(Peraturan 8)

PERAKUAN

DENGAN INI DIPERAKUI bahawa.....

No. Kad Pengenalan yang

beralamat di

yang mempunyai kelulusan

telah lulus peperiksaan di bawah perenggan 12(1)(aa) Akta Perubatan 1971[Akta 50]

pada

Tarikh:

*Pendaftar,
Majlis Perubatan Malaysia*